

Pakico e mester haya erfpacht pa drecha Caya Betico Croes?

Raoul ta uno di esnan mas rico di Aruba

*Herederu di un fortuna inmenso no mester di fabor

*Na 2005 el a haya tereno grandi serca Marisol

ORANJESTAD(AAN)— Basta dia a pasa y enbez di enfrenta Pueblo y papia berdad, Gobierno ta den silencio. Talvez no ta ni Gobierno mes a dicidi cu e ta keda keto y laga na Raoul pa bisa loke e kier. Tur indicacion ta cu Raoul lo haya loke e ta exige Gobierno. Awe cu ta evidente cu Gobierno no kier papia, e berdad mester bin dilanti. Ora DIARIO papia di hende poderoso, uno di nan ta Raoul. Pakico e mester di Caya Betico Croes na erfpacht pa haya placa pa drecha edificionan, ta e pregunta grandi mescos cu e hecho cu e lo por haci prestamo ora e kier. Raoul Cohen Henriquez ta uno di e personanan mas rico na Aruba y hasta si pone e fortuna cu el a hereda den contexto di tur isla di Reino Hulandes, ainda e ta keda uno di esnan na cabez! Pero lo no ta promer vez. Tin informacion cu na 2005 el a haya un tereno grandi di Marisol.

Si Raoul kier drecha Caya Betico Croes pasobra e stima Aruba, manera el a bisa, e por hacie. Pero sin afecta e bista ni e arquitectura unico di e centro di ciudad, cu ta historico. Loke si no por pasa ta, cu ta duna Raoul e caya pa

e hipoteke pa haya placa ni cu Raoul no ta cav bau leynan di Banco Central, ora pone limite pa prestamo. DIARIO a duna Raoul y Gobierno basta tempo pa papia. Si nan no kier papia, awe e berdad mester worde papia pa salvaguardia interes di Aruba.

Raoul Cohen Henriquez no mester di erfpacht di Gobierno pa e haya placa pa drecha e edificionan di Caya Betico Croes. Investigacionnan a muestra cla cu Raoul Cohen Henriquez, ta uno di e personanan cu mas poder financiero na Aruba, pues doño di hopi placa. E ta bini di un familia rikisimo, pero cu semper a tene nan mes den cuadro di negoshinan cu no tabata tin nada reprochabel. E ta doño di por lo menos tres

edificio den Caya Betico Croes y manera DIARIO a indica algun tempo pasa, a cumpra un tercer. Ademas e tin familia tanto directo como indirecto cu edificio den e caya y pakico e mester hipoteca Caya Betico Croes pa drecha loke pa un parti ta su edificionan, no ta conoci, pasobra e mes tin placa pa cuida su propiedad.

E situacion ta mas cuestionabel ora haya informacion cu na 2005 ya Raoul a haya un tereno grandi di Marisol, mientras e por cumpra e tereno cu e kier. E loke tampoco no ta cuadra den e caso aki ta, cu un homber cu e fortuna cu Raoul tin, kier pa hasta ora e hipoteca e caya y cu Caya Betico Croes como borg haci prestamo, Banco Central no mare manera cualquier otro

hende na limite di credito ora esey worde imponi pa tur hende.

"Raoul por cumpra caya. E por cumpra edificio. E tin placa na cantidad," ta e informe cu DIARIO tin.

Segun informantenan, susto grandi a surgi ora e coneccion a worde poni entre Raoul Henriquez y Curacao pasobra na Aruba no ta conoci, manera na Curacao, kende Raoul Henriquez ta y cuanto placa e tin. "Raoul no tin necesidad di traha. E tin placa na cantidad. Awor cu Ministro Presidente ta splica kico empleadonan publico ta gana, ta bon pa Raoul tambe introduci su mes bon na Pueblo y bisa con por ta cu e tin tres edificio den Caya Betico Croes," a worde splica na DIARIO.

Mientrastanto tin tur

indicacion cu Gobierno ta haci den silencio absoluto, sin cu ainda e compania di Raoul a worde funda, loke mester haci pa e proyecto, cu Raoul a bisa lo bira algo grandi pa MEP bay proximo campaña cune.

Informacionnan ta bisa cu continuamente Raoul, cu na 2005 a haya tereno grandi serca Marisol, ta acudi personalmente na DOW y cu mester tin palabracionnan fiho cu Gobierno, cu no por hala atras for di e proyecto di Raoul.

Gobierno lo mester splica un que otro na Pueblo, pasobra na ningun pais ta normal cu ta ofrece un herederu rico un caya pa e uza como borg pa haci negoshi!

TELEFONAN DI DIARIO
582-6747 - FAX 582-8551

DEPORTE SANO!!



**BEST
DEAL**

Tel: 5827100

(Pariba di Aruba Bank, Paradera)

**Peluchi cu
Radio
Afl.25,=**

